



10. februar 2022

UPA2022/155

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Organistini amigaateqarneq, suullu peqqutaanersut pillugit Naalackersuisut UKA2023-mi agguassassamik nalunaarusioqqullugit Inatsisartut aalajangiiffigisassaattut siunnersuut. Nalunaarusiami akissarsianut tunngasut, ilinniartitsinikkullu neqeroorutaasinnaasut il.il. qulaajarneqassapput, kiisalu qanoq iliornikkut amigaateqarneq qaangerniarneqarsinnaanersoq pillugu Naalackersuisut siunnersuuteqartoqassallutik.

(Inatsisartuni ilaasortaq Siverth K. Heilmann, Atassut)

Tungavilersuut:

Ullumikkut nunatsinni organistiuneq inuussutissarsiutigineqarsinnaanngilaq. Qularnanngilarlu eqqarsartoqassaaq, soorunalimi taamaallaat sapaatikkut naalagiarfiup nalaani sulisaraanni inuussutissarsiutaasinnaanngilaq. Piviusorli taamaanngilaq.

Eqqaamasariaqarparput kuisitsisoqartarmat, apersortittoqarluni, katittoqarlunilu aamma ilisisoqartartartoq nalinginnaasumik naalagiarfiit avataatigut. Toortagarlu tuuinnarlugu pattaq appinneq ajorluni. Nunatsinni 644-nik tussiteqarpugut, tussiuterparujussuit sungiusartuagassat. Tussiutit oqaluffiup aamma pisuni aqqissuisut kissaataat malillugit sungiusagassat.

Taamaammallu organistit sapaatip akunnerisa ullui tamakkerlugit sulisarput. Tamakkiisumillu organistit suliuaraluartut akissarsiatik inuussutigisinnaanngilaat. 2019-mi akissarsianik isumaqatigiinninniarnermi akissarsiat qaffanneqarsimagaluartut suli inuussutissatut naammangiivipput. Organistit nammineerlutik oqarput ullut tamarluinnaasa freerfeqaratik suliartut. Pingaartumik nuummi, aammalu sinerissami.

Organistit suli naammaginangilluinnartunik atugaqartinneqartillugit, organistinngornissaq pilerinarsinaviannngilaq amigaateqartuarnerlu annikillinaviarnani. Organistit ilinniarsimasuupput, taamaattorli ilinniagartik inuussutissarsiutigisinnaanngilaat. Qujamasuuteqarata taamaaginnartussatut isigilersoorsimavagut. Ukiuni kingullerni aningaasanut inatsimmi organistini aqqaneq marlunnik ilinniartitsinissamut aningaasanik illikartitsisarsimagaluartugut, paasinarpoq inuit ilinniarnissaminnut soqutiginninnerat taamak appasitsigimmat, nalunnginnamikku organistitut akissarsiat inuussutigineqarsinnaanngitsut.

Naalackersuisut § 37 naapertorlugu akissutaanni nr. 184/2019-mi ersersinneqarpoq 2019-mi atorfiit 27-it inuttassaqartinneqanngitsut, 18-it vikaritut sulisut, kiisalu "taamaallaat" 24-it atorfeqarlutik sulisut.



Atassummiit pingartipparput organistit atugaat pitsanngorsarneqassasut, inuussutissarsiutigilersinnaassagaallu. Taamaammat organistit akissarsiaat pillugit, sinerissamilu pissutsit qanoq inissisimanagerat pillugu, qanorlu aaqiisoqarsinnaanerani Naalakkersuisut nalunaarusioqqullugit peqquneqarnissaannik siunnersuuteqarpugut. Periarfissarlu atorluarlugu aamma paaserusunnarpoq 2019-mi akissarsiat qaffanneqarmata organistinik amigaateqarnerup tungaatigut qanoq sunniuteqarsimanersoq.

Pisortanut aningaasatigut allaffissornikkullu kingunerisassat:

Siunnersuutip atuutilersinneqarnissaanut, nalunaarusiortoqartariaqarpoq Inatsisartunut agguassassamik. Allaffissornikkut aningaasartuutaasussasut, nutserineq ilanngullugu naatsorsuutigineqarpoq ukiup affaata nalinganik sulisoqassasoq, 250.000 kr-nik aningaasartalimmik.

Namminersorlutik inuussutissarsiuteqartunut aningaasatigut allaffissornikkullu kingunerisassat:

Soqanngilaq.

Innuttsasunut aningaasatigut allaffissornikkullu kingunerisassat:

Soqanngilaq.